

BON DIA *Aruba*

Dialuna 7 di September 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Momento pa aplica e leynan stipula

Awe sistema di Aruparking ta cuminsa opera



Awe dialuna por staciona solamente unda ta marca, pa e motibo aki ta pidi pa tur hende orienta nan mes bon unda e espacio pa staciona ta ubica pa evita cu-

alkier mal entendimento.

E areanan marca cu geel ta pa esunnan cu tin un parkeer permiso y e espacio marca na blanco ta destina pa e bishitantenan di centro di ciudad. Tin stacionamento marca na por ehempel Arubus, patras di ex Tivoli, na ex Texas, patras di La Moderna, tin banda di corte y patras di Botica Oduber. Tur tin nan mashin di Parkeer cu lo bo por deposita e tarifa dependiendo cuanto ora bo ta staciona bo vehiculo. No por staciona vehiculo riba acera of unda cu ta.

Ta compronde cu comunidad ainda lo mester custuma cu e cambio aki, pero mester regula stacionamento miho den centro di ciudad. Awe a yega e momento cu mester aplica e leynan stipula pa esaki. Ta hopi importante cu for



di awe en adelante tur hende ta mas consciente unda por staciona nan vehiculo.

Tuma nota cu na e sitionan marca y cu tin parkeermeters, cu despues cu bo tempo caduca bo tin un tempo di 15 minuut pa recarga. Si den 15 minuut bo no a recarga, lo pone un klem na e auto. Esaki tin un multa di 75 florin cun'e. Si despues di 3 ora

Aruparking no a ricibi un reaccion di e doño di e vehiculo lo pasa mesora pa takel e auto cu e costo adicional di 150 florin. P'esey ta importante pa tur hende ta bon informa riba e cambionan, pa sa unda por staciona auto y unda no, pa evita cualkier inconveniencia. Pa mas informacion por tuma contacto cu Aruparking.